

律
疏
補
書

續錄附卷

癸徑翼序

輓近士大夫尤多談堪

輿我余獨詫崛起之夫

往々毓靈于坏土穹碑

馬鬣蕭々白楊何為者
也吾友仲瀉氏託致煙
霞恣情丘壑慟蓼莪之
卷廢喟青囊之路岐幽

探選舉獨注匠心下士
竊笑之了不為意曰固
也不咲不足以為道於
是游齊魯歷燕薊歸而

浮洞庭下三湘入彭蠡
栖豫章大江南北歌笠
將半夢想神注顛毛俱
白一旦撫掌曰道在是

矣爰渚魯楊上褫管郭
勒成一家命曰葬經翼
二三同好相携選勝仲
淳碩曠生風意與法會

攘臂指畫動中玄微不
倭雅負茲癖竭感未能
幸聆真詮展卷若失仲
瀉曰未也此吾蘧廬爾

天川谷盤紆挈經握維
睥睨咫尺批窾至族或
一目千里或苦心十季
情與勢參也千變萬化

總歸固然正正奇奇巧
有獨詣父不能傳於子
意不盡於穎舌者以悟
入也曲阿于君曰嘻技玉

此乎吾得子而諸術家
之說廢余所然曰為諸
術家之說者天吏也有
說乎曰福善禍淫帝實

臨之侶情逐二幾牽朽
骨以壑斷于山川造物
小兒陰假手於矇叟令
簸弄顛倒眩惑疑似甲

非乙是朝阡夕徙大貧
小慧受禍更毒吉祥夢
勾灾殃踵属是徃尺之
盤三寸之舌談笑而佐

斧鉞之所不及也故曰
天吏善哉乎仲瀉氏推
言之曰三緣和會之理
不明而世之膠固於禍

福也日甚嗚呼遠矣仁
人孝子盡吾心焉祈以
安死已矣

故鄣丁元薦題

雲間康宏書



葬經翼

吳昶繆希雍仲淳甫著

形勢十一篇

原勢篇一

夫山者宣也其氣剛川者流也其氣柔剛柔相
盪而地道立矣是知五嶽四瀆所以節宣天地
之氣者也管者庖羲氏之俯察其在茲乎氣有
升沉變化莫測擬之於龍者潛見飛躍不可得